



Sheya yu stori ba digital inclusion

Eastside Kriol

Wanim im min digital inclusion?



Digital inclusion imin:

- yu garra indernet, radio en telebijin weya yu lib
- yu gin beyem indanet isy wan im noma kos du mach
- abum skil ba sabi hau ba yusjim indanet en anlain sebis.

Ba dijan Advisory Grup mob



Jat Firs Nashin Digital Adbisory Grup bin stadim las yiya. Mela grup garra Aboriginal en Torres Strait Ilenda men en wimun.

Mela rol garra bi ba gibit advice langa Gabmen mob ba:

- digital inclusion
- hau blanga gajim Target 17 en Atkam 17 ba Nashinal Griman ba Klosim da Gap.

Dijan min gibit adbice ba meigim showa Fes Nashin pipul:

- gin gajim acses na indanet en devices leigi mobile fone or komputa ba yujim anlain sebis
- garra skil ba yujim indanet en seif wei du
- abumbat acses la infomashin (indanet, radio, TB) ba meigim disishin.





Abat da rodmep



Mela meigim wanbala **digital inclusion roadmap**. A roadmap imin plen ba joim hau bla gerrim wan gol.

Mela gol im ba Fes Nashin pipul ba abum chip wan en gudwan acces na fone, indanet en telebishin en radio sebis ba gaji acces na infomashin ba ebdri dai laif.

Dijan rodmep garra album Komunidis, gubmen en industry wekwekbat gija ba meigim Target 17 en Atkam 17 Gubmen bin bramis la jat Nashinal Grimen.

Dijan Nashinal Grimen garrim 17 gol (targets). Dis target album gubmen mob si hau mach dey meigim laif beda ba ala Fes Nashim pipul.

Target 17 imin tok jat wen 2026 kam, ala Aboriginal en Torres Strait Islander pipul garra saim kain acces laik alabat. Ba jat digital inclusion na.

Target 17 im leigi Atkam 17, en dijan min meigim showa Fes Nashin pipul gin abum acces na informashin ba meigim disishin ba dey ron laif en komunidi du.

Yu stori im portanwan



Bla meigim showa roadmap wek gudwei, we leigi irum bram Fes Nashin pipul.

Maiti yu lib langa siti, lil wan taun, or rijinal or rimot komyuniti. Digital inclusion im rili potenwan al oba Australia.

Mela wandim lijin la yu experience gat delafone, mobile, indanet en anlain sebis leigi:

- duimbat beinking anlain
- yujim gabmen sebis leigi Centalink
- telehealth (leig toktokbat na docta anlain sabi laik bidiyo chat)
- lenim (ba skul or university or TAFE)
- yujimbat indanet langa yu wek
- meigimbat art or mujik
- hau chip imin ba yujim indanet

Yu gin dellambat mela ba hau yu yujim radio en jat friwan telebishin.





Hau yu gin della mela yu stori



Ba sheim yu experience, yu labda della asmab yu ansa bas am kwesjin **bifo Friday 28 June 2024**. So yu kaan misat.

- Hau yu gidon la indanet?
- Enijing stap yu bram gidon indanet isiwei?
- Wannim gin gubmen, kampani, en najawan orginisashin du bla album yu gidon na indanet ba gajim infomashin en sebis?
- If yu bin abum gudwan acses la indanet en anlain infomashin, hau gin im album yu en yur komunidi?
- Yu lijinim la komunidi radio or luk na telebishin? Hau jat radio or TB album yu garra informashin en stay connected? Enijin stabim yu ba gaji acses na komunidi radio or TB?

Dijan lot kwesjin jes ba showim yu hau. Yu gin sheim sam stori ba yujim digital sebis if im noma deya la dat lot kwesjin du.

Mela wil burrem yu stori anlain bat if yu noma wandim mela wont. Yu garra dela mela if yu noma wandim yu stori ba gu anlain.

Yu gin kip yu detail pribatwan du. Yu noma landa della as yu naim if yu noma wandim.

Mela kaan della eniwan yu personal details if yu gibbit asmob.

Yu gin della asmob yu stori in yuron wan languis ba album asmob gat terpreda sebis.

Weya yu garra sen yu stori



Yu gin raidimdan yu experience. Or yu gin imail or bostem bidio or recording ba yu bois. Jandim yu stori na mela la:

Anlain la digitalinclusion.gov.au

Imail langa firstnationsdigitalinclusion@infrastructure.gov.au

La Post mail la

Director - Digital Inclusion
Digital Inclusion and Deployment





Department of Infrastructure, Transport, Regional Development, Communications
and the Arts
GPO Box 594, Canberra ACT 2601

